

佚存叢書

1 冊
563
31



門
號
志

歸金圖書

本村榮市君
贈此書以為
其先考紀念
維時明治三
十九年九月

景文宋公集卷第十六

律詩

官舍二首

南榮坐炙野人賸官謗心知鶴有軒畫餅竊名真不

食銜枚邀寵更無言

楚辭云願銜枚以無言常被君之渥洽

嵇齋書籠

吹塵度蔣徑賓綦暈薛班事國愛君情未已此生踈

躋負邱園

病骨支離釜粟豐卧看曦采照墻東不材天與山中

養飽食人嗤柱下工大府翩翩慙奏記閑齋咄咄厭

書空翛然慵態知難畫手按鳴弦目送鴻

試秩秘書省

綠底封書喬露光
試名仙局藹芸香
固慙衛國乘軒寵
猶勝唐家脫腕郎

景陵乾明院湖亭

東眺湖波十里平
竹椽疏舍瞰澄瀛
山花暗落談經地
水鳥時聞念佛聲
齊樹繞天春色晚
縉雲垂地夕涼生
後車官冷曾過此
祇得幽人笑縛纓

江上阻風

百尺危檣倚曙穴
古祠簫鼓隔丹楓
誰將一隻仙人箭
換作樵溪日暮風

公齋植竹

對植同奇樹
扶踈對近軒
舊經梁苑賦
初結太山根
就簡供書刻
乘秋爽些魂
鳶風朝作籟
鶴露夜留痕
招隱宜先桂
忘憂可並萱
會當充鳳食
薦實帝家園

中園殖叢蘆

我慙散質山中養
君結孤根江上來
相對中園兩無用
菰蘆何處有奇才

樹柳

爲愛當年濯濯姿
動春搖霧不勝垂
條供越絕千絲網
葉鬪章臺半額眉
肯共桑榆悲日晚
寧同枳橘過

景文宋公集 二
江移待君合抱相看歲定是金城洒涕時

答安陸龐掾

囊文嘗奏御軍事此叅卿座隘升堂友鄉榮乞墅甥
清言飄塵毳慎疾奉芝英談幄尸官久煩襟怯報瓊
郡將夜醮分貺齋酌
殊庭夜醮肅真儀奏罷雲章月已低自笑談賓真俗
骨不齋猶得醉如泥

春霽

一雨初晴小霧披海天羊胛報晨暉寒消艷雪沈樓
唱暖入重簾減妓衣柳外輕黃紛漠漠梅梢殘白悵
微微煙臯笑電無窮樂行御擊牙逐錦鞞

黃注昆仲赴舉

君家日下有高名驥子雙馳嗣世靈滄海賦毫多嬾
白南山書紙徧蒸青縣歌酒醕催鳴鹿學舍練寒散
亂螢崑玉林枝期帝問差肩唱第邇堯蓂

俊上人遊山

股錫飄然指上方翠微巖腹掩膺房江山極睇才多
助竿木投機戲有場麝墨洗餘池溜變玉礫清極茗
華香秋風莫負重來約淨社霜蓮徧碧塘

州將病免檄委郡事

郡將移書卧閣頻假提千騎出班春校中寧免時髦
謂欲作宣明面向人

晚思

吏上重門籥樓喧疊鼓槌翠沉遙嶺樹紅斂暝藜花
杼促蟲聲急眉拖月魄斜煩心銷熱盡不待鎮嘉瓜

祇役道中二首

濩落無容物欬碕可笑人唯當荷農笠不稱薦華紳
宦味真韁鎖生涯累水薪窮途計安出祇是有沾巾
絮亂東風急花飛雜樹稠離家王粲恨贈婦彥先愁
樵浦連檣度旗亭數蓋留癡人了官事歸約誤楂頭

鄰郡移書覆獄

堀堞征塵弊客裾曉柅貪飯魯人蔬多年養病先黃
老豈辨司空城旦書

郡界閔雨州將率官屬禳禱

劭農方狎野燠旱嘆焦原六幕沈雲族千箱害稼孫
都人望天漢國相閉陽門盛怒風生宄汗邪祝有豚
征徒休道樾汲缶澗中園米價高何許癡人遂不言

自詠

誤懷手版應弓招汨汨塵容葆鬢凋潘拙本無鄉曲
譽嵇鶩偏恃母兄驕雨畦菘葉晨羞薄風竈茶煙午

睡銷縱到北山堪自笑春蘿秋桂久寥寥

詠史

一馬浮江擁瑞圖青規羣彥倚長裾本緣獻替居門
下不爲江蝦與鬣魚

過安陸舊居隣里相送

綠楊枝外斗欄干出客雞鳴過近關豈有車徒休汝
上暫同隣里到方山離魂正對春波苦羈思猶隨劄
鳥還多謝滄浪送征棹更霑餘沫洗衰顏

泌陽王介夫

上笏蘭臺彥能文江漢靈貪持御史劾不顧大夫醒

詆毀真銷骨嫌疑畏殺青投冠集烏署解紱墮鳶溟
毛脫荷囊筆塵昏寶帶釘書空寧咄咄避弋更冥冥
校尉貪厨釀臨川集貝經光華覆盈日哆侈讒人星
生計依江枳年芳老砌墓無人舉幡赦揮涕望明庭

兵部學士移鎮昭潭

檣拂南雲艤帛蘭再麾湖外嘆違顏封君比籍千頭
橘瑞祝標祠九向山迎吏出郊驅弩箠齊兵下席掩
刀環漢條緩布褒書降後乘蒸青幾兩還

孫景隨侍赴舉

蠟鳳當筵占美名文齋大被集時英人同穎水將車

樂賦待尙書給筆成鄉酒出郊浮螳醕故林馳霧暝
猿驚省曾唱第藂雲幄歸夢因君到斗城

早濟江步

南浦招招子中途靡靡心歸舟一葉小秋水兩崖深
露鶴淒仍斷風蝸細欲沉桂華翻落月榆影送橫參
壯志時逢晚牢愁日已侵霜摧過江枳鐘眩避風禽
薄宦真蓬梗歸期問藁砧惟餘搖落意天寓共登臨

夏日

六幕風輕晝刻長地形卑溼近南方人揮羽翬依林
樾綆續金瓶下井牀雲路飛鳶愁跼跼玉徽流水怨

湯湯尸官盛府中乾甚久飲臺冰未覺涼

晚春至白襄陽

刀頭歸約月殘時棐几流塵蒲兔枝陰地雨蛙欺鼓
吹後園煙茗老槍旗風回曲榭花英聚泉瀆坳堂蘚
暈移卧看屋梁周粟飽不嫌五管號支離

題僧惠昇壁

何年飛虎錫此地鎖鷹房水入禪心定花飄供穢香
高談犀飾麈清啜茗成槍千騎嘗留此籠紗照屋梁

累政郡牧

率留詩筆

漢南州將按行江涘以見寄

側帽風輕過大隄水村驕馬惜鄣泥前驅夾道旗開
隼合宴傳殮帳繞犀淨練寒江供望闊赤萍圓日對
吟低輕歌駱驛傳清唱知在春煙幾曲溪

南亭獨矚

在景陵

宇下雄風細細涼客眸凝絕此回腸絡頭騎過羅敷
陌播尾烏喧艾子牆流水清渾迷別浦碧雲高下送
殘陽懷人撫物愁何盡試借蘭城萬斛量

州將按行隄上

十萬隄封限迅流騰裝清曉徑春疇駐車楚老漿盈
野勸築睢陽杵有謳梅暖晚香薰宿館雪天零霰犯
輕裘桑郊尅日迎歸旆遙認驪駒最上頭

楊初歸九江

方領思歸集鸛庭樵風千里漾舟舫歌翻桃岸雙飛
鵲夢繞天鄣九疊屏上苑昔游賦飄雪故林良友望
賢星遲聞乙奏藜雲幄紫桂宵窠襲袂馨

挾彈林下

挾柘行吟涉庾園鵲枝驚繞栗林寒幕中病案殊眞
俠虛費游童逐彈丸

楊備永嘉市征

漢祀壇邊望晝衣故人杯酒怨歌驪幾枝北道梅傳

信一器南方桂補羸後雨蒸青貽素業舊塘生草繼
妍辭他年第頌歸何後名應唐家十二時

羈思

三年官牒託東侯旌蕩危心斛貯愁一命鴻毛徒許
國單身螢火若驚秋

州舉俊民以藝中第爲詩馳賀

會聯郡將署鄉書目見函關賣出符奏頌一揮雲落
帑賜袍三浴蕙飄鑪高軒並照連乾錦飲膳分頒葦
蒲厨病幕日期迎晝繡塵容甘預弩前驅

聞新榜恩除異等輒成自詠

蘭署曾叨異等名當年不與賦天庭塵容此際支離
極慙見唐家千佛經

溪亭

規日平空晚澄波極望鮮簾飛故陶瓦梁負會稽椽
戰綠低寒杜漂紅泊晚蓮黃昏無限意江月對娟娟

悼祚禪師二首

兩服飛神錫千金供佛園吹毛曾有問得髓更無言

蘭紫恩袍異

今宣帥副馬李公素所推重衣賜紫衣

蓮香社侶繁雙林

今奄忽淚目送風幡

雷擊傳心要浮漚厭世喧一牀空病室五葉織諸孫

風慘萎花墜塵流雙履昏導師寧恒化緇侶自銷魂
獻外臺王侍御

濫陪坐諾已三年始望霜威紺弩前舊業久辭南郡
帳深恩獨戴故人天頭欹解散慙星弁

南史王儉
署名解散

腹

飽侏儒費月錢欲託牙琴懇真賞流塵無奈晦么絃
祇役鄰郡道中曉發

故園回眼隔雲蘿野馬征塵拂袂過息景有時悲惡
木回車無暇避朝歌風號萬響天衢籟山矗千頭佛
國螺遊子行行歸計晚庾心一寸奈愁何

七夕

烏鵲橋頭羽蓋移秋風長有隔年期七襄終日難成
報不是星娥織作遲

送常熟尉錢訪

雋譽高鄉品仙姿竝國游新恩紺綸綬遺社耐金侯
賦閣諸僮筆塵緇倦客裘平明催擢鷁幾信候潮鱗
下鼓葦縈箸持螯酒溢甌江南三月草爲子剩離憂
送楊偕太傅知淮陽軍

下拜親膺一札書隋河風旆送行艫曉辭漢署茅留
蕝暮聽廉歌袴換襦方志貢珍傳磬錯客庖羞品盛
魚腴雙旌引入柔桑陌少駐驂驪拈美鬚

送楊子奇赴辟潭淵

老避嘲師晝不眠喜聞書辟冠初筵車陪魏館鳴笳路食對何侯下箸錢使驛馬歸催露檄學帷鱸墮晦餘編知君此舉伸知己寧似他人有一天

送貴溪尉周懿文先輩

幾日銓符給詔程賜袍如草滯僚英大言久廢三千奏倦曲難終一再行吳蟹沈波秋稻富海魚藏穴夜潮平待君削牘登文石

梅福爲南昌尉上書願一登文石之陸

趣與淵

雲繼頌聲

送蒙城薄謝暉先輩

曾第飄飄賦仍勞冉冉趨嘆時三嗅雉倦別一飛鳧勾簿虛公几迎漿溢里壺異時齋悶閱明陟在丹塗

送江陰簿江楚材先輩

鬢舍久過從清言伏阿戎半綸人結綬一箭水分風行稻鮮原綠攀花雜樹紅羨君談有助新論得王充

送史溫虞部佐郡四明

外署清郎出佐州嘲辭不畏土山頭天中倦日迷雲闕江上歸帆避石郵設席自隨賓早晏還書寧畏渚沉浮膠田趙鎛農知勸時伴春旗按綠疇

直舍飲餞楊子奇

景文宋公集 十一
霞杯三醕客顏醺明日離魂伴玉珂我爲有人輕狗
曲同君不敢唱驪歌

寄鄭天休

天休兩賜手問會
迫賤事不獲修答

翹車交辟滯東南盤礴多年歇賜衫千日醉醒孤共
酌一書開閉遂空函怨歸定對王孫草無恙應隨散
騎帆傾聽囊帷奏嘉頌清時寧忘絳侯讒

聞後苑錫宴

漢家殿幄紫雲連萬品仙葩而賜筵露蘂半晞仙掌
外斗杓長在帝車前液池粹鳥棲連籞鉤盾祥藎徧
弄田病客無階陪鎬飲除因斷夢到鈞天

反舌

默默過桃園穿條疊葉翻夫君猶舌在時晏便無言

故文節公哀辭三解

早傳黃石系未件赤松游暴疹驚浮蟻深恩賜養牛
谿璜俄碎玉川檝遂藏舟蕭相今無嗣夫人紹鄴侯
順采思忠蓋宣謀嘆巧勞懋遺無一老投弔剩三號
撤奠哀笳引追榮斂袞褒欲知馮厚慶第覽得傳刀
霜露才嬰疾龍蛇已喪賢神騎尾星次家託寢邱田
長樂申君弔東堂罷襍筵佳城白日掩從此卽千年

景文宋公集卷第十六

景文宋公集卷第十七

律詩

送姚尉顧洵美先輩

蓬葆已蕭蕭從官越絕遙
山圖禹穴近濤氣伍神驕
卧帳藏新論行舟問故樵
寄聲時謝我江上足蘭苕

章判官說越吳興幕

素領潘郎滯進階東南
泐得卿材隋河鼓棹波成
箭越驛蒸衣雨是梅客
詠南風蒲齒勝食無寒
具畫廚開政餘底處邀
真賞洲上風蘋若下醅

辯才少白師歸天台

穰色擁行肩南方有應緣歸艤素車浪寶祀赤城天
宴樹春園密談花晝穢鮮憑師無闕智呵默二宗禪

自南北異宗學者多封師授以
喪祖意惟仁者當圓成一味耳

孫沆從事宰吳興邑

舳尾東銜鳥羽輕滄浪餘沫恣霑纓尙沉幕府千人
俊却勸膠田二耦耕蓮有豔歌邀夕泛蔗留佳境折
朝醒行行正及吳蠶吐脆盡商絃別曲聲

程密學知益州

墀塗晝對別堯奠細札芝泥襲綬香三獨舊臺呼輻
籠十連新府夢刀靈雲梯霽日明鉤棧兩閣蒼苔蝕

劍銘只恐廉襦歌未厭熒煌歸應六符星

寄獻澶淵太傅

使旆高翻西北雲舟梁橫過九河濱文書吏樂輕車
府表幟人知大樹軍引漑劭農渠雨密感涼邀會帳
霞醺温胡車子能歌地樂職聲詩日夕聞

張屯田知兗州

當按察畿畿縣

漢家關內使騶來廣魯風旗畫隼開地得股肱雄近
輔書留筋骨冠中臺儒宮剗壁巖祠豆督府均羊盛
宴壘應望仙閣舊車道倚天媯石篆昭回

同年梅鼎臣赴鳳翔幕兼省覲

時君家學
土鎮分陝

酪和盤纓舊宴空鳳岐新辟逐旌弓坐陪府幄談成
藪趨問家庭史有公春罍促浮萍葉紫夜章催刻密
枝紅青袍玉骨英游盛上路爭看側帽風

王子野學士同理蘇臺

姑蘇奧絕冠東南才子監州奉詔函賜彼襍歸廳久
冰去樵風分過舳相銜菽疇莒葉耕刀利溢釀梨花
醉鳥攬一水貫都無憚遠錦鱗雙尾待來鍼

中山公損疾二首

自有西京七發才蠲痼不待更延枚縱金廣樂迷魂
寤蔽月飛雲病膜開宮鼠晦鬚拋賜瑄蓬魚霏縷強

晨杯何人過問維摩室定有文殊作禮來

公深究淨
各示疾之

典故疾間有讀維摩
經詩三二闕申其妙旨

懇避嚴廬十拜章一麾重許出東方批成詔鳳多焚
草戲入仙禽不亂行麗正書編爭投簡荊州象笏別
持囊絳帷有客悲秋早預怯臨流奉祖觴

時公有肥
川之命

同年譚綜掾江陵

鄉樹湘雲外行轅楚塞東不辭淹拔萃聊欲辨無同
暝紫生寒岫疎丹點暮楓登樓有歸訊爲附北歸鴻
了淨歸天竺寺

曉原霜重俊鷹肥一席歸風路不迷林下曾徒從霧

合海邊停梵見潮低露華烹茗尋前圃雨屐粘苔認
故溪知有詩魔未降伏安休日在碧雲西

九日食餽有詠

飈館輕霜拂曙袍糗資花飲鬪分曹劉郎不敢題餽
字虛負詩中一世豪

夢得嘗作九日詩欲用餽字思
五經中無之輟不復為又自樂

天呼為
詩豪

龍圖蔡學士鎮高密

兼過鄉野

厭直坡鑾引郡章玉虬移刻對清廂留符懇避離宮
籥公先有西洛保釐之命以就養懇乞東藩懷綬貪過白晝鄉書閣迴巢
雙鳳羽詔泥殘和五芝房追鋒只恐歸期迫胥蟹腴

魚計早嘗

對菊有感

吹菊佳辰念物華顏生不飲重為嗟故園舊種猶存
否露損風搖著幾花

元處宗安化簿

車府沉千奏邊城佐一同鄉書黃耳遠客爨屨屢空
怨曙羌笳月嘶寒代馬風未應期會急平日廢談叢

晏寢

栩栩莊園夢正酣曙霞分已照東南門門更費當關
報已是嵇康一不堪

康書七不堪其一
一卧喜晚起

中山公鎮淝上

長鬣生鼇滿帳前甘棠載憩示優賢蕩函握節中軍
府奎字成鉤寶閣天丹七去尋鴻苑錄佛花來供淨
名禪朝家人有三公拜未信東山得久眠

黃泌昆仲歸江西

爨樵殫楚桂裘掖厭京塵別路雙黃鵠還家兩玉人
書園飄竹紛鄉樹老梨津電韻盈歸褚中州賞有真
同年吳穀尉烏程

蓼蓼報曙天歸超越人船闕月長留夢吳門自是僊
漆書多汗竹圭祀有名田剩著淩雲賦囊帷待奏篇

智成上人奉陪中山公赴淝上

宗工方出守大士此相親不肯今平叔難酬彼上人

昔文殊讚云彼上人者難為酬對 瓊飀連榻具筍脯對孟珍別後臨

川偈同翻貝葉新

送蕭山宰劉寺丞

秋江九月鷺濤平楚客征檣拂縣星射的初過若耶
渚楔林重訪永和亭畏蛟俗富風移古飛鷺天長日
際冥幾帙異書藏卧帳肯容僖客廣蒸青

同年王聖源南都講授

聖源嘗以事免職

刻意悲愁髮未華詣曹頻費杜陵嗟歌綠郢客高難

和璧是秦人誤指瑕綠底恩書褒振滯烏衣羣從慶
還家離宮萬戶經庠盛却對諸生坐絳紗

送同年孫錫句簿巢縣

千牘公車與願違卻懷黃綬去江湄中都食酪憂尊
老要路編苦笑錦遲酒幟亭長離帟罷浪花風穩暝
帆移驚秋感別俱成恨瘦盡森森瓊樹枝

冬日野外三首

霜郊堪極目萬籟共騷騷遠水無窮綠寒雲自不高
候鴻差入渚田雀短翔蒿歲稔期民阜中田饁凍膠
野迴人來少天平鳥去長漁梁四寸罟樵市五家漿

谷轉留寒霧霞休罷夕陽不須教目極卽是到回腸
朔吹低凝野層陰迴而天葉飄霜外枿煙出雨餘田
畹晚流芳後崢嶸急景前平生魚鳥志寧免爲留連
直舍讎理律書呈同舍二首

舊文新札儼成行柏燠微開帙氣香天下書多殊未
見顏生應笑下雌黃

經筵敢倦刀刊梓國典將追鼎鑄書靜對闕疑還閣
筆不知三古字爲魚

楊都官日巖赴鄆州

連年三換左朱輪

君一二年中自襄陽
領湖北上由泚得鄆

正用臺郎第二

人殿幄程書清刻永家牀添笏賜袍新

君便道上都陞對日賜五

品章潤波仍跨洪河曲敏政將肥瘠魯民趨引前旂

向桑野漢皇恩詔重方春

廢鄭河

民間呼此名或曰即古滸水河蕪塞惟春夏汗潦所集

當年食溱洧

案鄭國語主芣畷而食溱洧

此地抗長津卻見為陵

日難尋病涉人落霞遙送鶩薦草暗留磨代往詩風

變田渠數般春

家居

賃廡接中林迷途感慨深窮年不材木提月退飛禽
官字昏投版私囊利挫針病呻無用怪不是顯時吟

民廛

衰翁好藏密移病此僑居白眼慵迎客青泥勅襍書
風侵殘晝網煙鎖暗春樗惟有伊蒲士相從樂飯蔬

舒鴈

莊周悲殺鴈本為不能鳴寧識山陰誤能鳴亦就烹

邑居

暖褫貂裘病骨輕茨簷窮伏廢將迎庖人投刃喧羊

肆

賃廡既遷市道屠相尤雜

溪子擊牙近禁營

回近亦多連營正似仁安閑居賦中

雲破日痕緝巘道雨殘烟腳媚萸英傳聞內史輕租

契

時都圻例減民租

私約吾農對耦耕

早春近野

紫苞如細綴榆繁春意惜惜徧近原
霽嶺浮煙含縹翠泮渠新溜變清渾

玉玫瑰

瑤渚鏤空濛冰銷卷重疊寒光欲衝斗
迴秀難藏葉誰碎辟邪香氤氳飛作蝶

黃薔薇

剉檠染新騰插鈿成密房仙人文玉字
宮女道家裝聞說藥間露能令肌骨香

千葉牡丹

濯水錦窠豔頰雲仙髻繁全歆碧榭葉
獨占紫球欄誰謂萼華極芳心多隱桓

酴醾

來自蠶叢國香傳弱水神折醒疑破鼻
併豔欲留春勿以媚蘭味誤霑韓壽巾

金雀

疊葉倚風綻翩翾凌霧排齊名仙母使
寫樣漢宮釵俗眼未應妬勿憂珠彈來

真珠龍栢

彼美夜光喻益之新甫名纍纍雲際豔
皎皎月中英

勿謂素爲絢相期隆德聲

四季

羣葩各分榮此獨貫時序聊披淺深豔不易冬春慮
真宰竟何言予將造形悟

木蘭

吳王宮裏樹春晚紫房開秀比華夷重香蒙菌桂猜

本草云云葉氣味
辛香不及桂

無輕衆芳喻曾照女郎來

棠棣

潘賦幽芳在周詩榮萼傳佛輪千輻細公帶萬釘圓
何當擷珍蘂聊助額中妍

玉蘂

唐昌觀中樹曾降九天人鑿駕香何許雪英如舊春
豈無遺佩者來效捧心顰

茶蘂花

媚叢無奈密柔蔓不勝長非隣粉白白似俠骨中香
不分櫻桃豔名先播樂章

近世民間雜曲
始有茶蘂花者

送保定張員外

傾座仙風冠穎奇枳鸞移調位猶卑蘭薰夕膳三杯
案

君榮侍二
親而行

草妬春袍一采絲煙成星殘低序鴈隴

天雲斷送歌驪報成結果行堪待慰薦連章達帝帷

晴雲

春空無際碧雲意靜悠悠盡日隨風馭迎昏抱月鉤
正宜銜迴隴強欲蔽層樓宋野何須問鴻濛正掉頭

春埜勸農事

茂氣回鮮野寒姿換故林敗防溪響急新剛耒痕深
乳雉嬉原隩歌牛下浦陰吾廬堪學稼將老有初心

隴西都尉禪會圖

宴場禪集盛霜蝠會毫工竺社同開葉嵇姿宛送鴻
法身寧滯相世眼願瞻風蔚鑰方傳寶非專巖壑中

訪李生野墅

風物澹蕭辰陵阿訪隱倫野畦裁度馬溪路劣生塵

認菊知陶宅觀禾識魯園林臯偏樂我

莊子云山林
臯臯壤歎使

我欣欣
而樂歎

魚鳥似留人山霽羣妍露林虛眾籟新長沮

亟相語非敢問迷津

南齊二首

隱有山林願閑非江海身孔書罕言命莊意闍同人
敢銜能鳴鴈須慙不獵鶉緣何無麗句多病極漳濱
曩宦緣三釜今歸分一邱栝樅非柳性塗尾是龜謀
薪意矜來仕瓜名託故侯况無桑下計蠶妾詎相尤
道中見問津者

景文宋公集
欲問迷津意都緣別徑多亡羊曾自此老馬欲如何
旁午晨車邁問關夕蓋過不須貪遠客危恨寄風波

讀張巡故事

叛將闖華日英臣死節年城當勁兵處人甚綴旒然
直木摧貪隧長隄制盜泉胡塵難覆馬不污沛南天

抒歎

寒日不我駐歲陰生事微孤懷百感萃雙鬢二毛稀
樵突沉殘桂塵編擁故幃况無安邑累身託故山薇

月中嘲鵲

月馭初明露掌西翩翩猶伴夜烏啼架巢樹冷空三
而卻足鳴鳩得穩棲

景文宋公集卷第十七

景文宋公集卷第十八

游魚

游魚川上樂映藻復依蒲須防裁密網莫獨畏鶉鷁

驚鷗

漁拽亂溪來白鷗驚已屢不應畏機心卻下滄波去

司徒侍中宣獻公挽辭三首

斯文推舊德憂國變華顛夙夜勞三事東西止百年

溫辭聯冊祕

中宮冊文公實為之時稱名筆

良史大都傳

三朝公參撰

宓日賢臣壘心知望圃田

景文公集 卷十八
美疹交明晦浮齡詎控搏宗盟一箇弱

公與伯氏同參幸政一時

顧有兩宋

人贖百身難賜歛榮絺袞臨哀駐玉鑾欲知桃

李愛朝紱共汎瀾

順諫長樂朝奮庸明辟始功名一不處愛直兩遺美
空廡侍中貂遂失尚書履不朽在德言古來皆有死

皇帝狩近郊

并狀

臣伏觀今月十七日幸楊村打圍皇帝親射麋兔甚
多至未刻還宮者歲始孟冬駕云行狩除地近縣先
置廻場詔七萃以景從按六龍而行健皇帝陛下躬
御武節俯從前禽兩驂亟馳一發如破禽人給鮮之

不暇君庖課獲以既盈慢省中休衢罇徧錫取不殫
物姑薦宗廟之新民俟其來喜見羽旄之美入而振
旅日未靡旃臣猥挈荷囊預從豹乘親逢盛事難默
悴音謹撰成皇帝狩近郊詩一章五言二十韻繕寫
隨狀上進輕浼呈覽伏用震惶

講事當農隙于畋法健行百神奔漢蹕萬騎扈軒營
曠弩先驅肅彫戈後隊明雲羅垂列岳虎落壓裨瀛
掠野毛羣萃搜林羽族并熊羆兆中見鷺鶴陣前成
疊中星弧妙連飛月箭輕

皇帝親射比皆指禽命中

鴈窮書併墜

兔盡窟兼平俊鷗交拳擊寒鷹厲吻鳴舞驂均耳耳

每犬鬪令令示祝仍開網招虞不用旌才聞大綏下
已見獲車盈行在移鑾仗中途集幔城壽觴稱帝酒
恩膳徧君羹霧日曛隴暖霜原澶漫清長楊卷衰葉
敦葦拉枯莖羽獵何煩諷車攻遂合賡寧專乾豆薦
要閱建章兵風入旗常影天含鼓吹聲九街猶未晚
堯屋已還衡

皇帝邇英閣講畢五經

并序

臣伏見今月十四日講畢毛詩皇帝陛下卽祚以來
及茲二紀五經皆已徧講而天縱上聖日新大猷觀
文稽古剛健靡息粉澤百度充格九圍臣學陋識淺

無以周知盛德輒撰成皇帝講畢五經詩一章五言
十韻繕寫上進干冒清覽無任戰汗待罪之至

太極洪樞暇西清祕閣開

延慶邇英二閣並在崇政殿西廂

文從壁

府降輦自殿中來

上聽政罷方幸講筵

捧帙諸儒進繙經寶思

該書留孔子宅

講尚書

禮識漢家臺

講禮記

詁傳風兼頌

講毛詩

陽秋富竝裁

講春秋

觀圖龍夭矯

講周易

啟柙鳳韜

邇遂使民胥效咸知上育材星鈎參婉曲天漢助昭
回章甫慚無狀華光信濫陪願因稽古日拜手頌明
哉

和人禁中作

前殿隴曠晝鼓賒對論兵食近袍紗此時刻意言頗
牧不爲雲中首級差來詩云可能
頗牧不重生

和王君貺禁中寓直

長樂疎鐘斷昆池夕照收晚風生似雨仙霧爽如秋

禁中斯夕
氣甚寒爽鈞曲來深殿宮花出御溝雲天正如畫壁

月在西樓

大禮慶成并序

臣向緣法從祇覲慶儀自六飛之健行訖萬靈之合
享事皆如震官靡告勞瑞雨灑途而卽收陽旭騰空
而可愛士無瘳苦民溢歡謳此皆皇帝陛下明發有

懷小心昭事馨香肆於霄極虔鞏格乎神心介福蕃
釐交騰於百順震聲飛響洞接於九圍大旨惟新含
生胥抃臣飲和云舊逢吉自多輒呻畢以考言均奏
簫而叶韻謹抒陽郊慶成五言詩一章十六韻干冒
宸聽無任震惶謹繕寫隨狀上進以聞謹進

上帝懷明德圓壇展盛儀南城七里路三歲一郊時
豫動森華蓋乾行儼絳螭山河對旒冕辰象倚旂旗
禰祏前增謚皇靈下告慈密都俄奠玉清廟徧營粢
田燭紛先置軒營肅左移禮行誌景晏恩厚覺寒遲
紫宙天鴻洞京柴燎陸離合袪聯祭稭妥侑判純犧

啜食千華炬陪祠萬翠綏開天浮協氣互海受洪釐
愛日兼祥至隨風與令馳羣心樂更始徽冊况顓辭
堯舜文章煥淵雲頌嘆疲無階効論報敢告日孜孜

車駕出獵和丁學士

九扈聊清野三驅比出畋紫雲華蓋上玉斗帝車前

藻衛羅長薄星槍畧晚壓旗開龍對舞

新製黃龍旗以標物在

驂合鴈相聯魚貫圍中隊鳳毛仗裏天寒熊批怒掌

飢鶻下蒼拳困獸開仁網良禽獻廟鮮

上射中禽即先薦廟

賜庖飛騎促勞飲醕烽傳厯覽黃圖迴徘徊翠帽旋

貴台將盛美吉日繼王篇

早夏集公會亭飲餞金華道卿內翰守澶淵得

符字

早夏乘休沐離襟屬餞壺欣同佩荷橐恨及唱驪駒

感戀陪雲筑

道卿留預乾元上壽乃行

翻飛別帝梧勝裝照魚服

行帳繞犀株暫去班中詔寧容滯左符唯應九里潤

蒙福在京都

同年毛洵句簿新建

鸛衣冬集罷鷁首曉帆催枳棘非鸞處膏腴得鳳才

澄江限天闊孤鷺透霞來此地留清賞誰同恥宴壘

同年李宗太平法掾

俊名叅吏啟掾事補編堂盡取黃金酒重紆碧鶴裳
佐庖鮭稟厚束帙蠹侵香認得公庭步鬢鬚白哲郎
隱几
書齋隱几度流光濩落由來我所長枉許是非同喻
馬不知書篋兩亡羊空名更甚浮雲薄代事都無半
捶強心誓前賢六百石異時初服返東崗

貴溪周懿文寄建茶偶成長句代謝

茗篋緘香自武夷陸生家果最相宜烹憐畫鼎花浮
繡採憶春山露滿旗品絕不同漿與酪啜清須要玉
爲磁茂陵渴肺銷無幾爭奈還書苦思遲

長兄冬夕遞宿偶成長句上寄

絳幘雞人唱夜籌宿廬遙忖道山頭夢思圍吏成羈
况書掩冤家倦對讎雨閣氣昏蓮蒂井燭簾光動蒜
條鉤孤吟一夕懷康樂廣陌黎明望紫驪

同年成楷濰州理掾

東風鬻友舊聯飛彫歲鴟茲此愴離路怨亭臯長續
短客嗟京邑素爲緇且欣便道還家近未厭長途得
掾卑漢殿有人能夜誦君才不減子虛辭

學舍諸生罕至或累旬倚席不講愧而成詠

直舍沉沉掩迴廊

學官直舍
列於兩廡

古壇槐柳對蒼涼一囊

有客愁飢死三尺無人問
喙長權據槁梧真用拙
束歸高閣且深藏
日斜廣陌驅歸鞅
更似笞簪作漫郎
送同年葉文卿尉高郵

檜檝橫河濬東南
再命新還家倦游
客隱市謫仙人

驛舍霜梅早鄉壺蟻酌醕
時君復過若下家墅
疏林搖落盡持

底贈蕭辰

送同年張孝孫句簿穎陰

雪序繁雲掠苑回
行人此地一銜杯
東西溝上歌流水
南北枝頭怨贈梅
緜竹誦篇沈秘幄
堵波題字晦輕埃
莫辭縣枳淹鸞翮
密啟天官佗薦才

李國博齋中小山作

君即文靖公子

觀閣幽期勝窗扉
列岫連千巖狀稽嶺
一石記平泉迴接仙湖境
低圍醉幕天休論真假意
同是到忘筌

新月

幾宵閒北寢始見映西樓
曲篆臨鉤誤殘橫映額羞
桂稀山自冷珠淺蚌兼愁
巧作纖纖句纔能喻兩頭

殘月

餘光隨落宿有意待朝陽
暈缺灰餘影潮平鷺息狂
殘兵驕子國隱語大刀郎
此夜方諸淚寧能減數行

晚歸餽廡

驅車廣陌陰極望散煩襟霞破天逾淨煙生樹始深
摻喧侵暝鼓練急向寒砧卻入顏生巷窮棲似故林

晚秋客廡

涼葉日幡幡西風振旅魂客來聊解榻童小未應門
蟬噪專林響蝸移亂壁痕缺然禽鹿性持底報君恩

賦成中丞臨川侍郎西園雜題十首

雙假山

在庭廡左
右相對

佛螺雙髻轟層嵐雲穴呀空蘚暈銜異日主公求肖
像居然認得傅溪巖

煙竹

煙梢露葉貫冬榮高出危牆近覆亭聞道蘭臺有圖
籍故留春粉助蒸青

栢樹

昔託孤根百仞溪何言移植對芳蹊雲巖烈麝相思
久悵望清香未滿臍

牡丹

上國名園買地栽試知韓令是雄猜香根斲盡成何
事不識騷人託諷才

楚人以香草喻君子則
牡丹亦香草之一也

酴醾架

圓陰婆娑娑公嘗
列坐榻其下

媚條無力倚風長架作圓陰覆坐涼露蘂一春清襲

景文宋公集
八
袂有人知是令君香

小池

細溜沙渠逗曲池碧潄餘潤漬蟻衣風休浪靜園如
鑑時有文禽照影飛

李樹

曾見繁英出縹牆更將朱實奉華堂蹊桃得地偏相
映莫損清陰欲代僵

小桃

春香搖曳夏陰繁蹊曲惜惜靜可攀不是山園三食
霸何緣靈核到人間

柳

散漫飛絲阿娜枝家家眺賞霽霜威盡將煙葉偷眉
隳不爲章街走馬歸

射棚

樓鶻雲侯迴勢開主人留客侑金壘欲知謝尙風流
極賭得將軍鼓吹來

觀上朝

鬱蔥佳氣護天臺銜尾茸題隘路槐金箭忽鳴衡漏
盡火城爭撲相車來黃人日映仙盤上金鼎香騰禁
籥開規地凝深誰得見渚鸞離鷺自趨陪

歲晚家居自勉

朝陽濃澹雪雲垂湯沐餘閒似標枝藥有不龜聊擊
絮管無窺豹任爭碁垣陰剝紫迷寒蘚池溜含光結
晚嘶飲取醇醪作佳士莫因蒿目強憂時

小雪

低雲淡河界零霰集天涯樹亂三眠絮叢迷五出花
舞風都擬重入隙故成斜密瓦平將半前山暝欲遮
漸堪迷淨練併欲誤疏麻粉出房陵水鹽飛海岸沙
舟來戴逵宅客過孝王家此日長安酒旗高未易賒

送荆湖北漕張職方

賜對雲簾幾刻留東南公利入牙籌方船萬粟浮江
下封府三錢出地流驛路塵清迎弩密省臺薰歇護
衣愁不妨徧歷騷人國金橘丹楓互占秋

庠局觀書偶呈同舍

蠹簡時披落暗塵晝窗風冷凍蟾津不須浪嘆夫差
事恐有隣房儂和人

送黃昱秘校太平理掾

兼簡法掾
李伯元

中銓覆擬下慈宸又作東西補掾人去國雖逢零霰
暮過江未失雜花春西山氣爽聊持板白紵袍餘且
製巾星貫久稀堪樂事聯曹鮑照藻辭新

伯元富於
藻思至止

必並驅
辭陣矣

學舍石榴

太學中石榴數十株少能
雜木然其樹率多蟠蓋

曾見芳英上舞裙緣何此地寄輪囷煙滋黛葉千條
困露裂星房百子勻未羨扶南收作釀前經騎省賦
為珍安仁開居賦云
石榴蒲萄之珍須知博望來時晚莫促幽芳趣

暮春

張伯起自蜀還臺簾對既訖以有司奉祠蜡方
既即齋復引入升太常為博士

殿城塗丹九齒長珠簾伏奏近天香已傳樂職來西
蜀更就清齋得太常夕燎烘庭思結佩曉蘭薰俗滯
華陽心傾五日歸來路共舉鮭珍醕賀觴

歲除

彫節真如借良宵此向闕家儲宿歲酒鄉送大懽寒
舊卉回新物來情續往歡恩恩餘幾刻催具五辛盤
謝都官監治建州

初得中臺滿歲遷七閩猶貳左魚權雞香燼晦華星
闔虎眼波迎下瀨船幾種珍鮭資晝膳萬檣芳茗蔽
春塵行行正及淘嘉月溪樹烘霞荔子鮮

早春

鷗雪銷平苑烏風裊迴竿暖容侵柳動寒意向梅殘

景文宋公集
雲薄來無定天晴望更寬
杯霞莫恡醉朝野日多歡
元夜觀正陽錫宴

雲端堯闕下呼鞭絲樹遙
分坐殿前山戲百層平樂
地佛輪千影瑞陁天祥風入
助銀花麗寶月來供雉
扇圓獻歲承平多樂事擊靴
誰美唱唐年

上元景燈紀事

泛膏聞舊典秉燭嗣芳辰
霞破初迎月寒休卽讓春
鈞天移帝樂北斗下城闌
而地沈香燎浮空羅襪塵
竝珂馳寶校分幟口彫輪
口去騰夷路還來競要津
酒胡矜耐美梅額銜粧新
誰見甘泉時昏祠遂至晨

聞中山公泚上家園新成秘奉閣輒抒拙詩寄

獻

爲樂東平得再麾

公兩鎮泚上

別營層閣駐經幃
溢囊秘

簡青皆汗署榜宸毫白正飛

公嘗創奏於上求飛白題榜俄蒙允賜

樽

喜客來銜酒數畫疑仙去啟廚稀
門前卽枕春溪路
幾曲歌成使舫歸

龐祕校掾九江兼歸汝南迎侍

長亭愁不淺征袂拂殘梅
潘御家園近毛欣府檄來
晨羞魚尾潔春溜鴨頭催
拄頰談無對參卿掾有才
城隅山疊映樓戶月弦開
廡樹藏環感因君寄九回

先君昔據九江予與伯氏皆生於廨舍舊老今猶識之

送客野外始見春物萌動

苑路高高雪作泥始知春信到芳蹊綠波水暖魚爭聚縹色陂長麥首齊萬里碧雲隨望合半規紅日有情低榆牙柳日相看數枉是回觴付解携

傷和靖林先生君復二首

清瀨嚴生國良田仲子居姬姜生不娶封禪死無書

君復臨終賦詩其亂章云茂陵異日求遺藁猶喜曾無封禪書好事者多傳之竈冷丹何去

廚封畫已虛詔函加美諡不及裹輪車

筆精傳禊帖句賞儷汀蘋道勝吾忘我賢嗟歲在辰

風愁青桂暝露泣紫芝春一束生芻贈門無雜弔賓

春晏病體少悵退卧北齋有寄

少有負薪疾早成憔悴姿無人來迂跛賴酒與扶衰樸斲知材短腥膻厭革卑西山一丸藥何忍獨相遺

春夕

捲幔星河近嚴城鐘漏遲飛蟲集暗牖棲鵲忌明枝弱柳兼風困高花戰露危回腸正無賴仍此卧遙帷

有懷舊隱

官事未易了家園胡不歸煙原射雉樂春糝養魚肥葉密成巖幄蘿長代石衣無爲落吾事坐老故山薇

自詠

上都頻見歲華陰，偃息由來本茂林。醉若有鄉須裂

地吏，如逢隱卽投簪。

予聞南方山水殊勝，常有遊宦之願，以歲限未滿，不敢陳請。

銜無窶數知，容穴病似支離。亦挫針况自疏，家兄弟

約他年，搗鼈故溪潯。

伯氏尤樂靜退，嘗有讓戒予云：搗鼈故溪潯。

晝寢

靜拂藜牀藉蠹書，曲肱聊與古爲徒。夢柯尙費論榮
辱，訟鹿何煩競有無。庭下細光風泛蕙，隙中斜影日
低梧。宰牆不堪嵇胞轉，寧覺人間有畏途。

桓伊傳

上前猶笛串奴髯，自倚哀箏詠刺讒。太傅一聞流涕
久，使君於此信非凡。

房陵舊第

謫去房陵席尙温，回看北第已銷魂。當時賀廈翩翩
者，今日張羅不過門。

百今日遊蘇不遊門

景文宋公集卷第十八

景文宋公集卷第十九

律詩

孫景赴懷寧尉

一行爲吏日千里背淮人
蘭助朝昏膳絲垂宛轉輪
雲容侵驛曉江態引帆春
靜治龍舒邑鼂生盜向秦
寄題眉州孫氏書樓

魯簡多年屋壁藏始營
輦棘瞰堂黃髭厨四市香
防蠹鏤斲千題縹製囊定
與鄉人評月旦何妨婢子
誦靈光良辰更此邀清賞
談樹交陰雋味長

寄天休學士

時遞宿館中

春暝蓬山直知君思緒多玉蟾吟瀉滴朱幕卧生波
談塵飄無幾書刀削久訛魚沉江上夢難聽汝南歌
落帶燈煤暗雙盤露藥和煙浮温室樹雲澹客星河
牟首傳清戲章溝疊迫鼉子雲惟寂寞尙自柰嘲何

重懷和靖林逋

高士非求死天教隕少微雲疑隱居在猶傍嶺頭歸
房陵舊第股引蔡水養魚於池敗日或有塞其
水竇魚多涸矣

後園平日引春渠浴鳳翔鴛兩白如一旦繡衣來簿
責餘災猶得及池魚

偶作

隼被鷓姿知有累豺驚羊質固非真謾誇魯國多儒
士敢到君門止一人

柳絮

萬縷金長暖絮縈雪乾雲困徧春城衝風力盡飛應
懶試與鴻毛校重輕

送張問南游

草遠花明溝水頭同居此地併離愁既餘瓮酒沉三
賦合作盤鯖厭五侯覺在他鄉應有夢信非吾土少
登樓

登樓賦云雖信美而非吾之土

楚山不見西江遠莫返騷文剩

駐留

虹度長橋箭激流
夾隄春樹翠陰稠
誰知晝夜滔滔意
不是沉舟卽載舟

謝端送李公佐

有客改南轅
春郊駐祖筵
饔寒禁火國
風暖浴沂天
茂草平無際
殘花慘更妍
鹿鳴借計近
簪盍約初年

上流送段秘丞同理金陵

自審刑赴相幕之辭

蘋丹濡筆獄無冤
佐守初依鳳沼蓮
南土出藩申伯寵
辟書爲首嗣宗賢
蟠龍運厭山圍國
燬角宵涼水

際天哲輔定知三
入相期君同赴渭濱畋

寒食夜偶題

前庭露氣壓輕埃
風漾花陰聚復開
苦恨浮雲心不淨
月中時汗太清來

閏月晦日

春物都成晚歡遊
一倍慵輕風生樹態
暖日淡雲容小閣
時翻鷺閒花更少
蜂幽襟真濩落
所得是無悰

落花

前溪夜雨錦張紅
墜萼殘英繞暗叢
已與吹開復吹謝
無情畢竟是春風

送張清臣學士隨侍金陵

仙閣三休紫霧平
期門試罷得蒸青
同時第賦留宸幄
他日聞詩戀相庭
逗箭夕流催檜楫
賜花春豫憶雲屏
吳天此夜瞻台座
併是荀家父子星

喜楊德華見過感舊成詠

曾見烏衣賭佩囊
再逢何遽二毛郎
病姿故有靈光在
牡齒翻隨屈產長
河裏笛聲頻感慨
江南花樹剩淒涼
酒壚便有生平隔
已濯華纓未易狂

寄南郡直講王聖源

良辰酒所獨持杯
目極南雲首重回
榮路久嗟冠一

免

聖源嘗以公累去官

經筵貪愛擿三催
多年道勝胸中戰
卽席人推客右才
深詔糊名求異等
仁君揮筆映天臺

金陵相公赴鎮二首

代邸橫庚佐商巖
夢弼才蕭公左右
手軒老上中台利
見攀龍後重明
捧日來聊持樞柄
族旋運一陶坯
師石兼爲礪形
鹽本和梅樹容
他語答車問少
陽回丕績推時
乃宸歌續喜哉
陳平安注意鄧
禹退無猜

范暴論鄧云進退用而下無猜情

燾社南邦重輕裘
太府開舍裝寧

晚計行復坐公槐

慈宸念方國上宰
輟謨明卽拜三公
府還爲萬里城

松姿終自直鼎意未嘗輕戀結雲簾對恩頒玉節榮
一經傳令子雙璧聘材卿鷁汎江南棹犀羅帳下兵
台幡凝畫繞仙袂赤松迎粟脫賓筵飯羊均宴豆羹
吳農觀耨水蕪壤嘆糊赧此日東山詠惟公繼頌聲
內閣孫侍郎生辰紀德

鳳瑄疑姑律奎鈞誕佐臣祥標六蓬矢家盛十朱輪
變道齊成魯端朝甫及申禁中朝夕誨帝右老成人
徧讀蘭圖字多陪豹尾塵桓榮師自許石建謹無倫
振鷺飛逾結緇衣久更新鑄賢今是冶播物晚爲鈞
胡廣潭留菊蒙莊樹有椿奉公爲壽禱山立輔昌辰

送梵才長吉還天台

歸袂捲蘭牙城標拂曙霞溪行虎避錫巖供鳥銜花
翠柰經園密蒼莓渡徇斜暮雲他日合相望在天涯

送鞏漢卿同年赴五原理掾

再赴天官調仍還多士鄉華陰餘霧散光祿故垣長
春柳侵湖綠秋雲際幕黃片言民訟息編美冠州堂

送王鼎同年尉滎陽

瓊毫聯署榜蘭酒悵離杯作吏緇衣國工吟白社才
浮涼御風至澄翠溢榮來盜息連殊課章交刺史臺
送齊殿丞監縉雲軍

景文先生集 五
幾信南風轉曙烏殿欄歸思結丹塗曳朱恩借魚須
笏假節人同虎刻符裳綵親闈稱雅壽駑蘭鄉縣壯
前驅飛霜郡閣遺文麗更得韓陵共語無

籍雲日庭飛霜閣自爲記刻又庚子山云惟韓陵一石可共語

春賦送楊告虞部知池陽

新年卧錦直南宮露紱歸來使寄雄祕地鏘鑿辭夜
燎離亭贈扇有仁風梅根大治兼金富楊葉芳洲雜
蘼紅愴楚俗移恩詔美班春聊隱軾前熊望五天
風射長廊雪絮春經筵無客有流塵捫心自問何功

德五管支離治鱗人

晚春有感

試上高臺望綠蕪一春芳意向人踈殘花半落紅無
幾新筍爭長綠有餘底處流霞殘別酌卽時油壁欠
來車不須更向昆池去便有胡僧話劫初

寄藥山長老省賢

南方有尊者卓錫戀林邱演法三千界多聞第一流
爐檀薰定几筍脯供齋甌社約慙成負霜蓮落幾秋
次韻和朱少府苦雨

滯渰連春晦層陰接夜分驕壺惟發電愁棟但生雲

里突居無爨官蛙坐厭聞遙知霖唱罷客思轉相紛

遊小圃

初陽未熱樹陰輕中圃留連底有情春草抽心終不
死夏禽反舌已無聲轆轤半上畦泉逗襖襪初休隴
雨晴紫蓼青葵正堪掇於陵何必是逃名

盛諫議赴維陽

漢家規地徧青蒲繡展恩深拜命初朱畫車輶頻出
守仙移院額別修書貢圖星橘兼苞袖宴筭金羹和
鱸魚奉計不應三滿歲荷囊法許從雕輿

送靜海勾稽高洎

豪錐殘試墨綸綬照恩裳泐天官調承家父任郎
曲長溪舫遠宴密酒螯香得助江山國仍縫古錦囊

葉司封知宣州

對日改
三品服

歲久中臺鵠領垂牢盆罷計擁藩麾新知綬艾天香
襲密對簾鬚禁刻移青舸信潮隨早暮赤轡靈雨徧
公私樹猶如此成前感重蔭當年蔽芾枝

一紀
矣

司封昔監
此郡距今

葉道卿監太平州

堵波題墨素塵昏犀棹橫江重黯魂束帙乍拋三鐵
槌將軍兼映兩朱輪

道卿先待司封之莅
宣城而後赴富塗

淋漓鷺下

景文宋公集
秋濤濶蹀躞狂宴鼓喧速報政成歸待詔鑄金雙
夾魯班門

送丁殿直郴陽監軍

渠浪撼殘星飄然颺彩舫懷人送歸客短候續長亭
望寺癸垂組還書待殺青無妨軍壘隙壺柘侑賓醕
學舍直歸晚霽二首
驟雨挫炎威歸軒廣陌西渠聲流作瀑日脚側成霓
換錦龍媒埒淹花燕子泥比來巾角墊李郭定相攜
雨罷殘陽在風微酷暑收餘昏淡雲斂聚沫泛河流
挑簞雙紋展盤瓜五色浮潘郎最多感庭樹莫先愁

聞蟬

秋風日夕驚庭樹唱蟬聲衰意先鷓鴣繁音伴沸麈
斜陽掛高柳落月淡遙城此際君懷苦非徒俗子情

胡同年恢信州弋陽簿

籠櫻沉醪宴津鼓愴離羣道出東南水心留西北雲
秫田供醞劑練幅換書裙爍闕方呼俊歸來此獻文
唐詔監簿池陽市征

五鼓歇津亭風帆去斗城美材王國秀獨木縣官征
萍密浮罌劑蓴絲雜釜羹袁郎秋詠苦江月對盈盈

王君瑞秘丞同理青社

君瑞昔爲
三州從事

詔押平明出未央便隨公府汎牙檣卽時趨坐多留
幘幾夕登樓共据牀勝國遺官沉雪霧從軍舊沼認
蓮房翹材宴隙還家早紫葉叢萱映壽觴

偶作

薄暮歌鐘宴平樂黎明車騎過宜春身長六尺飢將
死唯是平原厭次人

儻舍西齋小圃竹樹森植秋日搖落對之儵然

因作長句盡道所見

避事長卿志閒居郎將流無心嬰外物有興爲高秋
儻舍餘三畝畸人代一邱園空樹色至日淡暝煙浮

紺葉繁江蓼丹鬚亞海榴青松七鬣嫩黃菊萬釘稠
露泣梨津熟風乾芰扇愁小池圓寫鏡卧石側盤虬
愛竹惟慙賦逢萱卽忘憂信非吾土美聊並小山留
勝託三餘暇幽尋五日休沼蛙觀聿役簷雀聽啁啾
心有冥鴻伴歌煩警鶴酬茲焉爲樂地時事判悠悠

送呂太初法曹之許田

時相國彭城公鎮許田

秋涯穢客艫潘領不勝梳去決卿軍事還親城旦書
驛鷗啼月早庖鯉躍冰餘白晳公庭步翹材首曳裾

秋夕

秋物向搖落客心真悄然高風已涼夜澹月始晴天

拂幌單練怯凝塵故扇捐露華休早滴羈鶻不曾眠

筆次

菱花照鬢感流年始覺空名盡偶然十擲成韃寧是
拙一丸求藥浪圖仙位卑司敗無言責事少當關許
晏眠正此墮官堪自効下煩公掾更平鐫

累夕大風

乘秋萬竅怒拂野恣離披祭鳥東門酒鳴鳶上將旗
有誰樵旦暮無客賦雄雌何用呼號甚枯桑了不知

曹景宗傳

快馬如龍度埒塵射麀留飲藉汀蘋鼻頭出火風生

耳寧願揚州作貴人

嗟爾一拳質塊生

天地中柱雲蒸作潤山溜滴成空
松蓋何年化星槎此路窮無邀十襲裏近出宋臺東

西齋冬夕

四海共搖落居然彫歲深林踈縱風怒天慘趣雲陰
冰沼留寒鷺燈簷射宿禽懷人感衰鬢自此不勝簪

學舍直歸

衣滿天街車馬塵學廬番下已迎曛敝裘欹帽驅羸
馬官長多能罵廣文

觀太學釋奠

時中冬月天
府舉公陪位

鄉盛菁莪選邦崇奠菜儀涓辰大昕鼓持節少牢祠
粉衮瞻凝睟銀袍豫攝齋芼羹分澗沚鬱劑泛罇彝
璧水回寒影經槐墮曉枝幸觀三獻罷共荷百朋時
善惠大師禪齋

丈室傳心地安閑歲臘除水能涵寶月風解去萎花
鵠焰紗圍短牛香篆引斜化城無憚遠門外卽三車
對雪二首

風過龍山萬里沙密霰疎霞渺無涯臺疑穆滿都成
壁樹憶黃奴併是花曾許輕姿饒白羽解將寒力減

流霞梁玉不悅鄒枚老同坐睢園念歲華

縈叢著樹半蕭蕭皓氣妍華混沆寥爲倚流風偏解
舞故藏朝睨未成銷玉繩四徹仙峯迴銀界三千佛
國遙向曙紛紛殊未已九門知有謝莊朝

時至日排
仗朝會

楊都官知隨陽

君自蜀守爲施
俸既而出郡

棧道回忠馭牢盆幹計貲文書三署草兄弟五常眉
遠爾分符竹欣然捧詔芝疾驅關外傳奉引漢東旗
夕月同離恨春膏徧我私他年五君詠應記阮咸麾

東坡迎春曲三闕

青陸斗杓回河內動新灰冰際綃文綻雲邊鶴影來

漢宮行慶罷花樹剪刀催
東郊風馭輕嚴署漏籌添柳拂將軍壁梅飄公主奩
舞衣裁幾許新人解織縑
荔達陽膏動冰解水紋融天華四面碧日氣幾竿紅
不言雙鸚晚為嘆玉箱空

奉和長兄歲晏抒懷

天暮雪雲繁相將客兔園老從星髮見歲伴日車翻
別葉晴猶舞征鴻暝更喧事君纔寸祿知我是空言
競進家爭壁同聲伯有墳重吟抒臆句更酌一壺溫
送胡宿同年主合淝簿

歸路青袍雜綵裳何言縣枳滯鸞翔恨無旨酒邀枚

叟愁聽班騅送陸郎四剖楚萍資夕膳一弦淮月望

春艤鈴齋坐鎮儒林丈密啟行聞達上方

君本出中山門下今

復在部中

崔氏逍遙堂

戚里封侯舊家園締宇初據梧人化蝶坐石客焚魚
砌草交垂帶窗筠就刻書欲知真趣盛長者數回車

答連生見寄兼簡同邑胡希元

京華倦游客顧我損文鱗道覺窮方勝交緣淡更親
句成池草夕訊到隴梅春欲答雙盤恨清才彼有人

京華紛激客，願與天雞並。登龍衣，烈交絲。更遊
答，巖坐，良齊，兼，謝，回，邑，貼，香，元

草交垂，帶，窗，從，涼，夜，青，燈，映，真，歡，豈，尋，香，煙，回，車
知，里，性，對，詩，寒，國，詠，宰，府，對，詠，人，外，鞅，坐，百，客，焚，以
謝，刃，能，盡，次

景文宋公集卷第十九
春，銀，鏡，夜，坐，聽，謝，林，交，密，郊，行，問，數，士，衣
史，慈，難，取，難，送，刺，淵，四，時，焚，香，竟，之，觀，一，鼓，新，民，望

景文宋公集卷第二十一

律詩

寄會稽天休學士

鼻乙天遙水驛長，車篁貪貳會稽章。
風從射的迎仙舸，水自山陰作禊堂。
鈴閣宴盤留薤白，書林官筆燥雌黃。
庾郎於此情非淺，應許諸人共据牀。
都街見綠橦，技感而成詠二闕

迴望場中百尺竿，趨材飛捷過跳丸。
垂堂亦有千金子，不敢中衢徙倚看。
子子危樅突倒投，負材驕壓漢場優。
如何日到危身

地只丐旁人一笑休

送高記室廣州幕

荆渚高氏孫

楚國王孫後梁臺賦客賢貪磨盾鼻檄重冠玳簪筵
去路南溟地離魂北斗天庾鮭三種嫩虞璧一雙鮮
颺影風爭怒珠胎月對圓慎持齋疾意密啟佗詳延
寒夜與伯氏宴坐

對擁圓爐坐蕭然念變衰樹鳴餘葉亂燈戰暗花危
罇酒伯仲雅圍荆兄弟枝陶陶且相樂低月半遙帷
同舍置酒

苑樹淒風薊薊寒休時一笑恣醜顏已浮山簡酒池
上更沒曹瞞杯案間主有哨壺聊慶馬客同溫玉任
頽山吟官未及尙書對欵段相將畢景還

觀獵

黃山橫鷺曉成圍後騎蕭蕭彊弩隨當路豺狼宜一
發不須回首問狐狸

除夕二闕

曆尾無餘日更籌促曙躔持愁媿殘歲將老入新年
一杯芳酒夜分天萬慮勞勞耿不眠明日新春到何
處菱花影裏二毛邊

哭公孫子正

景文宋公集 二
窮愁四十鬢華侵尉卧垂楊感慨深遺墨未乾園令
札悲弦長絕獻之琴子正之伯氏淪謝裁
數月而子正長往嗟賢有夢
龍占苦對臆無言鵬坐陰三步過車絛酌薄死生從
此隔朋簪

喜藥山賢師見過

鳳林曾語別王舍此相逢淨月常涵水孤雲易去峯
供緣賓閣飲師與清源參豫
領忘言之契耳界帝城鐘卻舉當年
話無言促塵松

王秀才贊賦乞詩爲別歸毗陵

矩步襍長裾清漳訪病夫得交欣鳳舉賞賦怯霓呼

道勝稽論秀人遐亟去都一篷江上雨歸思滿菰蘆

劉立德同年赴泲州幕

春榜連題千佛經兩藩交辟滯弓旌幕中仍是紅蓮
客門下今爲玉筍生君再擢第卽今
中山公門下林逗楚風披醉
枉浪搖淮月漬離纓歸來上賦趨行在足繼西豪舊
弟兄

西齋夜思

蕭宇齊空夜景深長康勉力効長吟池風過處琴遺
韻牆月斜時樹倒陰几隱厚繒同木槁書繙故網有
魚侵漏壺漸促星榆轉獨背篝燈擁薄衾

大學建講殿割王第西偏營置
王家賜第曾開府天子營宮此嚮儒壞壁有經還闕
里廢臺無鹿嘆姑蘇泉疑自涌供池溜柱欲飛來荷
棟桴獻歲成勳觀盛禮願陪希瑟趨風雩

覽從兄感劔池編

競爽吾宗屬俊翹凌雲辭氣剩飄飄十年締思輕信
賦一骨評風壓楚謠縱玩晝窗迷野馬長吟秋社續
寒蛸夫君自有何郎恨枉使東陽臂肉銷

隣亭真

藥館何年記舊封宴亭此日駐憑熊佛螺近作臨窗

岫仙馭遙添拂衽風談樹憩棠交結蔭飛翬賀雀併
翻空使君邀勝留千騎可在秦樓更向東

僧園牡丹

并序

予暮春行樂僧舍涉其中圃見牡丹數十本華淺葉
臞雜處叢蒼浸灌闕焉封殖頽焉芒夫蕘豎蹈踐侵
侮嗟夫託匪其地俾妍成蚩雖拱壁夜光不能抗按
劔之患况斯者乎作詩以傷之

朽壤真非託奇葩惜見捐根深惟自庇香酷索誰憐
晚藹仍晞日斜柯但倚煙有人同寂寞無地與回旋
不預甘棠愛羞將惡木連數奇飛將恨形槁屈生賢

已失南梅早仍憂北枳遷蔭雲今讓棘生淤此饒蓮

鈿轂排朝露雕欄悵夜天馱金會見斷

唐李長吉壯草云走馬馱

金斷無事苦憔悴

送炳宗巢簿

世德封胡後英游終賈年塵緇去郡客木落渡淮天

揖吏貪持簿勞歌勗倚弦無憂親釜薄新復古圭田

僑屋觀燕葺舊巢因贈

窮檐雙越燕一再共年華巢戶差眠尾泥痕燥哺花

惜無文杏庇猶免翠簾遮所賴同雞德新豐遂識家

閉關

度日絕賓履自然成閉關無謀慙適野藏疾願依山
莊周固有處材與不材間

楊太尉後園假山

韜戟巖中府礎星寫翠岑嵐分一軒翠雲護半庭陰
谷響迎壺柘巖光射庶金時平非聚米緩帶恣幽尋

春晦寓日二首

春序倏云晚高臺芳意多花成風地纈鳥作暝林歌
樹氣薰繁幄池文疊細波夾城歸騎散煙絮徧銅駝
春意都無幾還持歡緒歸游蜂抱藥去驚燕失泥飛
風下幡幡影霞留暝暝霏遙知瑤席恨不減欲沾衣

挑燈杖

處膏非自潤在寸敢矜長試用部家暗迴爲隣壁光
覽聶長孺斬春罷歸舟中詩筆

姑山羽客冰爲骨金掌仙人露代餐化作妙辭真扣
玉寫成初稿剩驚鸞心隨零雨濛濛密恨過青溪曲
曲寒此秘東陽誇未睹靈均千歲有餘歡

送四舅朱掾赴英州

拗柳亭臯晚攀梅嶺露長北辭鳩鵲月南冒鷓鴣霜
越蠹催征候珍鮭奉慶觴片言民訟息歸計竺林光

送徐秀才

風鷗摧高羽雲鷓慘別弦勸隨東郭履歸養豫樟年
客信憑梅隴鄉飲伴月舩君謀適不用虛贈繞朝鞭

歲晏私感

已嗟官落魄更值歲崢嶸一絰區中累千慙谷口耕
休文偏恨瘦夷甫太鍾情借問長安米侏儒有底榮

送萬池秀才

有客柅征輪羈懷慰蓼辛來乘訪戴雪歸趨浴沂春
酒所留飛蓋談餘換爨新異時更月品知冠汝南人

觀隣人賣餅大售

初日闔門照上旌芬肴無算客庖盈本源漸大囊錢

足不復還家唱渭城昔有窮人常歌渭城自樂後本

源既大心計轉麗不復唱渭城

瞿曇少病否司寇正歸歟不鑿牆坏道猶煩里旅居

飯春霜稜去聲京師以田粟羹糝雪畦蔬願受為氓

籍閒披種樹書遠近為幾稜

詠史一絲國中累千漉谷口

古有庸庸福人譏齷齷員生貪巧作奏死戒直如弦

欲重高門地非論媚竈天詩書大儒家絲竹後堂旃

東閣翻芻馬西園竊瘞錢道謀誰執咎戶選不因賢

朱鼓成民日羌鶻音百入賀年須防反室詔終取闔門

憐異日纔成錦先時默似蟬空貽後人嘆流涕掩青

編

食兔

脫兔馳崗地飢鷹厲吻天為煩麋狗顧遂給獸人鮮

狂目兼槐落驚毫其月捐可嗟多狡窟歸肉助庖羶

讀絕交論

嫌隙蕭朱末盈虛田竇間言雖甘若醴心定險於山

後轍何能救頽波遂不還居然孝標論抵凡若為刪

蓬池作二首

景文宋公集
大道來中縣餘糧徧近原
狙林朝芋隕幽屋晝茅喧
短日方催暮低雲屢向繁
我憂寧易寫惟有悄無言
天形垂沆漭原勢帶紆餘
社久熏無鼠淵澄察見魚
駟駟開牧序蹇蹇度柴車
卻望斜陽市行人掉臂初
雪夕
恩華綿帝寓時天濂後
赦書四出花出瑞王年
陰魄交光地風
雲雜下天鹽波熬巨浸
縞頃界中田有客方愁
卧先時履欲穿

答書

樂樂餘病骨踽踽本孤臣
夷餓懷餐粟軻居憶徙鄰

予方嬰內
艱之痛

舊園寬脇帶鉞刻暗書
筠親見楊雄者

儀不動人

林鷗

林鷗泊泊飛剩欲送斜規
城頭八九子月中三市枝
嚮晨常自警鄰暝不應
移王孫無巧彈此夜正
羈雌

和鑒宗游南禪別墅

塵園開別墅牛駕此回輪
花識莊嚴界林容宴坐人
遠煙時誤晚靜塢若遺春
共照前溪水煩師洗六塵

隴州魚龍川石魚

織鱗藏介石物化自何年
無復西江水長依東海田

景文宋公集 九
苔紋堪代藻雲葉卽成蓮琥珀藏蚊影佳名共此傳
陳奉禮宰四明
天庭聯袂挾英華龍鳳馳名在一家鴈塔墨痕鴿繼
序桂林春色棣交花袍薰茂草萋萋遠檣豎歸風櫛
櫛斜靈樾竝歌皆勝踐遞賡清思賦餘霞

送梅摯廷評宰上元
子虛誦入漢皇帷給筆當年挾藻奇賜罷春袍兼彩
服對餘崑玉照林枝卽時酒所歌驪閱幾日江南瑞
雉隨建業清溪無盡曲爲賡妍唱繞遺詞

送梅密學赴并州

連年橐筆侍天臺始見東方畫隼開路避晚風嶠外
轉人瞻冬日絳中來笳簫後隊聯幽俠壁馬中軍聘
楚材自昔河東股肱地不應歸節嘆淹徊

江休復潞掾

君家能賦別釋軟重悽然客袂移緇素離杯並聖賢
坐曹煩折獄奏牘並懷鉛十載青袍困須饒草色鮮

送葉蘇州

卧錦潛郎種種絲爲邦獨愛阮咸麾中臺給契魚初
剖外闈升車雉尙隨風汴雜花飄夕棹雨吳芳樹隱
春旗爲尋劉白高吟地酒熟螯香左右持

和郭六玉津上已宴罷見寄
式燕靈琨睠蕙時
祓蘭浮棗惜春暉
回驂並躍都門道
誰識顏王曲水歸

九日

商館馮高爽氣濃
露萸千穗亞枝紅
餅餐交遺嘉籩上
藥菊爭吹壽斝中
擊隼厲威平隰闊
戲驂沉響故臺空
何人盛繼龍山集
醉帽須防穀鬱風

偶思桓景登高故事

桓景全家遂得仙
佩萸吹菊對陶然
汝南雞犬緣何事
不似淮王許上天

籍田禮畢因成七言

青旗斜倚耕壇霧
膏壤遙迎御耦春
二步不應踰舊禮
天心自欲勸蒸民

送惟正歸錢塘

客編高檣冒楚霏
月崑叢桂老春枝
一杯來應伊蒲供
八法歸刊斗藪碑
師承院記於相國長城
公今茲絕筆將刊翠琰
鱗岸風生涼汐滿
蜃天霞破暝樓危
學該內外皆圓法
卻要聲聞是總持

送無錫主簿王庾

莫嘆東南遠須榮
試吏才客從梁苑
至家侍太邱來

木脫洲程迴風長櫓意催蟬知膠稻熟鱸記海潮回
訟矢閒鄉犴糖螯佐壽杯牛刀宜自愛無及武城哈
還故里有感 明道癸酉

自昔去先閑乃今還故廬隴桑濡露外崑桂遣風餘
稍識烏衣巷相過栗里輿感存橫涕數道舊懋杯徐
水涸溪容耗林殘野氣疎烏喧晴處陌煙宿暝時墟
彭澤期歸去臨邛喜第如擊鮮無久恩趨局畏官書

馬上逢雪

馬上逢飛雪都城觸望新天如不礙暝樹欲頓成春
霰急初鳴瓦塗輕自壓塵灑遠先映璐飄闕欲藏銀

婉轉口歌麗徘徊逼舞真熬鹽拂波亂飛莢點星勻
密影俄飛蓋乾花看鈿輪無煩溼潘鬢今是一毛人

漣水軍豹隱堂

今趙集賢槩未策名日嘗處于此及決科始以今名榜其堂不

五年集賢
出守軍政

當年齋榻豫章才自領驂驪五馬回庭下書筠多舊
刻檐間賀燕是重來吟池墨久將成溜坐石星殘欲
徧苔郡閣從今傳盛事更留寒霧記崑隈

李秘校省覲畢卻赴乘氏

謝遏香囊奕思餘短亭瞰景駕驪駒客盤飫嗜豐年
蹠仙舄歸飛伴兩鳧官柳搖搖榮早絮縣花的的照

晴跌東陽玉骨春偏瘦省對霞朝憶上都

蘭臯亭

張學士充別墅

信美蘭臯地疏構椽迴軒山林閒處樂溪瀨靜中喧
春桂開前塢秋菘接後園舟來無盡曲客到不空罇
夕月生惟鑒晴雲抱棟痕主人貪紬績未暇答驚猿

明州慈溪尉

胡寅

久困天官調東南亦第如客篙新溜急春樹雜花餘
越臈豐池鴨吳袍競庫練還音與歸夢併附淞江魚

古意

博妖齊詐取侯封褒貶都歸竹帛中三虎有無空逞

辯一狐狸捐妄貪功輪囷自許先枯木首鼠何曾忌
秃翁堪笑雲羅彌藪澤不知天外有冥鴻

